



05608

高東谿先生集卷下

詩

還山招陳希韓

乾坤莽回互日月相盪摩百年纔瞬息萬類總么麼是  
身非我有造物如吾何觸事會心少幽棲廢興多眷言  
意所適樂此山之阿修篁擢新榦老木榮舊柯谷聲傳  
地籟松韻答天和獨石介而安寒泉淡無波園蔬掇纖  
嫵名果仍駢羅紅莢著雨花碧卷受風荷隨意生莓苔  
綺衣掛薜蘿得酒卽醅酌作詩共吟哦嘯長情浩蕩舞  
東谿先生集 卷下

短飲嬰娑妻孥鹿門趣黃綺商山歌崎嶇路辭遙迢遞  
誰見過交親憶同調出處矢靡他每憐傷弓禽同感赴  
燭蛾無心夏闕 蚣試藝趁投戈自覺此身浮相看雙鬢  
皤人事何時休歸來勿蹉跎

偕學子遊都嶠

紹興十四年秋九月乙巳高登以罪竄容州明  
年春戊午到竄所冬十一月壬戌遊都嶠學子  
李彌章盧大勳李飛英李端禮羅述蕭巖黃宗  
之男扶持從遊

甲子歲秋杪負罪西南馳脚歷山萬重身墜天一涯茅  
茨蔽聚落培塿圍孤埤何處有洞天玄真之所棲維南  
頗挺拔隱隱浮修眉采菊東籬下悠然一見之欲往覺  
旌搖兀坐噤黏臍彼美二三子知我多愛奇暇日請從  
我駕言出郊圻秣馬愒短亭搢筇登翠微天公喜我來  
閣雨雲垂垂坤靈喜我來林壑迴春姿山禽喜我來上  
下鳴嚶啣江梅喜我來椿儻敷南枝高興愜幽尋絕原  
闕七字

狀爲闕憑賢主人痛闕彌年非我生逢百罹不慕太廟

東谿先生集

卷下

二

犧况從奪袍簡欣若奪馬羈投荒得勝踐闕與闕分宐

清芬追六遠餘齡寄三危明時甘自誓敢源闕三詞暫

遊已難傳短晷仍易移山闕趣回馭樹原闕四字重闕

意默契欲下思懼遲準擬供冥按草木原闕四字氣知

多少淒入詩人脾暮途雙逕松歸馬四原闕出沒山光

裏烏帽風披披

歸途歎

孫吳攄將略申甫翰王家腐儒要底用歸種東陵瓜

自歎

平生無技能素業

原闕八字

世期躋唐虞憤

當獻瞽言

原闕十字

甯憚攀虎須由此

隔責

原闕十一字

君東如囚拘索米無

處

原闕十一字

漫不分賢愚梁竦知徒

勞淵明柰

原闕三字

書獄訟簡沈迷眩鉛朱窗几羅蛛絲

簡編棧

以下原闕

### 思歸

忽忽已秋杪言歸欣有期節物想吾廬青心繁東籬流  
匙白雲子醮甲黃鷺兒對此憶羈旅多應歌式微喜慰

東谿先生集

卷下

三

倚門心愁銷舉案眉稭子鬧簷隙遠膝牽人衣歸興念  
如許兼程猶苦遲明朝秋色裏烏帽風披披

### 似春閣

一閣甯獨暖萬象方號寒何當放春去和氣滿人間

### 畱別

丈夫四方志何作兒女別顧我涇傭羨君眞秀發道  
義重千鈞利名輕一葉壯風吐虹蜺忠誠貫日月插劔  
露肝膽看鏡念勳業何當拔茅茹同在陳力列

冒寒行風雨有感

號風撼枯枿凍雨凝路塵乾坤祕日月八荒同一雲遙  
知沙漠寒黯淡愁殺人天涯望不極流淚滿衣巾

陳少陽贈官

憶昔靖康初厄運會中微嚴警弛邊備長驅來胡兒堂  
堂擣京闕百萬呼鼓鼙天地爲改色日月晴晦迷當亡  
猶未悟聰明遭蔽欺六賊久盤結如山屹莫移故人陳  
夫子忠義梃天資埒髀惜機會禍端良在茲吾儕休厚  
澤顛危合扶持不聞王蠲賢絕脰由布衣書成數千言  
揮翰捷如飛明朝伏闕下儒冠翕相隨种李奪兵權憤

東谿先生集

卷下

四

痛社稷危抱書再詣闕慟哭聲猶悲天意難遽回人心  
那忍離時雍恣兇暴縱兵欲屠之馬前森利刃此時命  
垂絲腰領兩不顧相視情怡怡虎口僅獲脫好爵安能  
縻俄起故鄉情各歸天一涯壯哉歐陽生舍生誠所宜  
聖主圖興復忠誠蒙誅夷宸心頃自責疏爵錄其遺君  
乎死不亾泉壤增光輝魂氣鍾慶雲體魄蒸靈芝言言  
英烈在昭昭星斗垂蘭歿則流芳豹歿則畱皮男兒倘  
得歿一歿甘如飴君歿逾生榮我生歎奚爲九原如可  
作微君誰與歸

杜門

故人方謙客爲問意如何  
午枕清風足夜窗明月多  
易招惟酒聖難遣是詩魔  
一榻君家事何妨獨我過

七夕

天道杳難憑人言迂不經  
佳期傳七夕歡事污雙星  
女驂占蛛巧兒癡話鵲靈  
吾詩非好詆師與訂頑冥

夢遊故山

風際瞥披鶴雲樵杖策鳩  
幽棲知好在歸夢故難畱  
山放數峯出泉分一派流  
把茅何日辦縛屋護松楸

東谿先生集

卷下

五

送元太

但得身長健何妨鬢已華  
胸中翻錦繡筆下走龍蛇  
作掾只三語讀書空五車  
卷懷已良計去去臥煙霞

辭餽金

頃罷官歸慶士民勾畱不果  
乃相與持金贖行  
勤勤之意旣不可卻復不可受  
因請買書郡庠

以遺學者作詩謝之

劉君政成俄及瓜闔境歡謠騰  
載道民不見吏犬無聲持  
以百錢勤父老嗟我官卑志未伸  
于人何德人稱好騰

牒當途願勾留醜賤交馳雜金寶天涯百指攜空囊號  
寒嗁饑日相惱可取無取未傷廉闕念易污惟浩浩不  
如買書惠泮宮聊助賢侯采芹藻別後青芹嘗見思窗  
前黃卷宜揆討

水漲謙邑宰送米

心知一字不堪煮屹屹窮年黃卷中倉粥由來未爲拙  
儲瓶況乃啜屢空令君好賢媿韓愈賤子受賜慙盧仝  
春水從教遠舍北癡兒不復嗁門東

中秋對月

東谿先生集

卷下

六

繡江

容州水也

再見中秋月歲去月圓人尚缺相望千里共

嬋娟苦恨亭亭照離別今夕一樽誰與同孟兪舉案對  
梁鴻眾雛立侍儼成列以次持盃壽乃翁乃翁看月指  
病目手足頑麻頭髮禿但願團團三十秋不計東西與  
南北

臨別示子姪

不能枉道取富貴是致爾輩愁饑寒頻年別離情更惡  
兩地狼狠心何安從人數寄安否問使我相思衰衰寬  
平生竊笑曹家兒臨岐莫墮雙闌干

乞米

臣饑欲死侏儒飽方朔誰憐是歲星館下諸生笑豐暖  
江頭漁父詢清醒魯公已作乞米帖陶令旋尋儲粟餅  
親舊依然睨相向故應特地爲吾青

覓蠹椽

雪寒官冷家乏薪炭與舒丞懇令長至劈酒槽  
桐孫處可笑亦可憫也

顧影低徊祇自憐怕寒時簪作詩扇全家會粥已數月  
坐客無氈今幾年君劈槽燒當止酒我知琴爨況無絃  
頁谿先生集 卷下 七  
雪中送炭從來事况寫羈窮覓蠹椽

小源欲歸

潮頰香醪暈醉紅鐙敲歸路勒青驄水涵萬頃曾孫稼  
月逗盈衿少女風大誤平生緣畫足無聊中夜祇書空  
擬將方寸難論事直叩天門問化工

立冬道中

黃茅時節瘴煙濃人說說一作在山凹第幾重梁竦負才徒

感慨嵇康賦性本疏慵此生自斷天休問吾道關年世

不容會脫幘巾還舊隱鹿門妻子慣相從



言懷

歸去東臯獨荷犁闕家林書卷有兒持一無可意身將老  
百不如人心自知夢寐摩挲元結頌經從省憶少陵詩  
體膚餓盡天應憐依舊矍然山澤姿

九日

寒雁南飛度戍樓一聲天地有餘秋家連滄海難窮目  
人在蠻荒欲盡頭莫效涓埃禪國計況無毛髮爲身謀  
所須菽水能多少踪跡飄然不繫舟

病中雜興

東谿先生集

卷下

八

溶溶瘴霧暗朝曦咫尺關山號鬼門疾病年年不相貸  
朱顏凋盡赤心存

垂老飄零萬里餘肌膚瘦盡鬢毛疏皇恩若許歸山去  
豆地雖存不解鋤

不羨雲霄歎網羅百年人物總相磨灰如歸旨生如寄  
造物從今柰我何

九灰窮荒一病翁曉來猶怯北窗風誰知葵藿傾心切  
待到日輪升太空

不辭南北歎飄零俯仰乾坤一草亭  
鸞墮水中從站站

鴻飛天外自冥冥

長袖深藏批敕手短筇斜倚作詩肩有時極目睨遼漢  
興在孤鴻落照邊

病損腰圍減未休二毛垂領颯先秋夢中睡復化爲蝶  
牀下不妨聞鬪牛

口腹相煎亦可羞饑來欲食飽還憂一編地下吾無用  
許學畱侯辟穀不

詞

多麗

東谿先生集

卷下

九

人間世偶然攘臂來遊何須恁乾坤角抵又成冷笑俳  
優且寬心待他天命謾鼓舌誇我人謀李廣不侯劉蕡  
未第十年公論合誰羞往矣瓦飄無意甑墮懶回頭眞  
堪笑直鉤論議圓柄機籌 卒斯道元無得喪壯心豈  
有沈浮好溫存困中節概莫冷落窮裏風流酒滴眞珠  
飯抄雲子醉飽臥信緣休歸去也幅巾談笑卒歲且優  
遊循環事亾羊須在失馬何憂

阮郎歸

過武仙縣謁許宰  
不遇作此寄之

武仙花縣謁鳧仙急招橫渡船重門晝掩訟庭閑虛簷

羣雀喧 金屋畔玉欄邊新春桃李妍主人情重客無  
緣銷魂空黯然

驀山溪 容州病起作

黃茅時節病惱南來客瘦得不勝衣試腰圍都無一搦  
東籬興在手種菊方黃 闕 晚豔泛新芻誰道乾坤窄  
百年役役樂事真難得短髮已無多夏何勞霜風染白  
兒曹齊健扶 闕 一翁孱龍山帽習池巾歸路從敲側

行香子

瘴氣如雲暑氣如焚病輕時也是十分沈疴惱客罪罟  
東谿先生集 卷下 十

縈人歎檻中猿籠中鳥轍中鱗 休負文章休說經綸  
得生還早已因循菱花照影筠竹隨身柰沈郎尫潘郎  
老阮郎貧

漁家傲

紹興甲子潮  
州考官作

名利場中空擾擾十年南北東西道依舊綠衫塵撲帽  
空懊悔羨他陶令歸來早 歸去來兮秋已杪菊花又  
繞東籬好有酒一樽開口笑雖然老玉山猶解花前倒

好事近

黃義卿畫帶霜竹

瀟灑帶霜枝獨向歲寒時節觸目千林憔悴夏幽姿清

絕 多才應賦得天眞  
落筆驚風葉從此  
綠窗淡處有一梢明月

前調 餞別

送客過江村  
況值重陽佳節  
向晚西風蕭瑟  
正離人愁絕  
尊前相顧  
惓惓商引十分  
蕉葉回首  
高陽人散  
負西樓風月

前調 紀別

飲興正闌珊  
正是揮毫時節  
霜榦銀鈎錦句  
看壁間三絕  
西風特地  
颯秋聲  
樓外觸  
棧葉匹馬  
翩然歸去  
向東谿先生集 卷下 十一

征鞍敲月

浪淘沙 王宰母生日寓居道州勸其來富州

璧月挂秋霄  
丹桂香飄  
廣寒宮殿路  
迢遙  
試問嫦娥  
緣底事  
欲下層霄  
蘭玉自垂髻  
拜命當朝  
神仙會裏  
且逍遙  
分取壺中閒日月  
來伴王喬

西江月

渺渺西江流水  
翩翩北客征帆  
清秋月影  
浸人寒雲  
淨碧天澄淡  
飄泊道途  
寒落疏慵  
鬢髮鬢鬢  
從來涉世  
戒三緘  
只好隨時飲啖

坵錄

為然黃乞衰錄高登狀

漫辰何處寄萍蹤短艇飄搖

一葉貼黃中

鳳闕遊娃館幽波賞梵宮當年樂事總

成奏爲本州故迪功郎高登嘗以直言干忤秦檜貶歿  
容州乞賜昭洗衰錄事伏候敕旨

具位臣朱熹

何事故鄉輕別空惹波驚鶴怨誤松蘿風

月臣猥以塵賤備員偏州仰體聖明收用獎拔之意思  
竭駑鈍仰報萬分故於聽訟決獄之際不敢不盡其  
愚今幸踰年目前人戶些少曲直粗得其情獨有事

東谿先生集

乞衰狀

一

在數十年之前而其枉直之分舉錯之重或非州郡  
之所得爲者則在臣之職不敢不具以聞伏惟聖慈  
特垂聽察臣伏見本州漳浦人故迪功郎高登資稟  
忠義氣節孤高少遊太學值靖康之禍嘗與陳東詣  
闕上書力陳六賊之罪且言金人不可和狀至紹興  
閒廷對力陳闕失無所顧避覆試官忌其直降爲下  
州文學高宗皇帝嘉其忠而收之調靜江府古縣令  
是時秦檜當國帥臣胡舜陟以其父嘗宰是邑欲爲  
立祠以悅其意而登獨持不可舜陟欲以危法中之

召致獄官驗問訊掠訖無罪狀可書後爲潮州試官  
又使諸生論直言不聞之可畏策閩浙水沴之所由  
檜聞益怒以爲陰埒趙鼎削官徙容州以歿檜沒之  
後諸以口語爲檜所陷者高宗皇帝深察其冤巨細  
存亡無不甄錄而登以遠人下士獨無爲言之者至  
乾道間近臣梁克家等始援紹興二十六年赦書以  
請而有司拘文廢格弗下近歲守臣傅伯壽又嘗具  
奏如前然今亦已踰年未奉進止是使登以抱恨沒  
身垂五十年而姓名猶在罪籍未蒙昭洗雖其孤忠

東谿先生集

乞褒狀

二

自信獨立不懼精爽凜然必不以此爲悔而在聖朝  
伸冤雪枉勸善懲惡之意則議者猶切悵焉臣卒得  
蒙恩假守其鄉目睹茲事若又緘默不能具以上聞  
則雖萬被戮不足償罪是以敢冒言之伏惟皇帝陛下  
下御極以來虛心克己容納盡言比以陰陽失和申  
詔近臣樂聞至論草茅之士雖有狂直過甚之言始  
雖忤旨終薄其罪竊揆聖志如登之忠直宜在矜獎  
欲望特發德音復其官秩量加褒錄以慰九原且使  
天下之欲爲忠義者知所勸慕誠非小補臣不量疏

遠干犯威嚴無任震懼隕越之至謹錄奏聞伏俟敕  
旨

貼黃

臣竊詳傅伯壽奏底有加贈官秩施恩後嗣係於  
聖神之獨斷非小臣所敢請之語臣之疏遠尤不  
敢輒論及此然區區之情實有同焉者伏乞聖照

東谿先生集

乞廢狀

漳州學東谿先生高公祠記

朱子

孟子曰聖人百世之師也伯夷柳下惠是也故聞伯夷之風者頑夫廉懦夫有立志聞柳下惠之風者鄙夫寬薄夫敦奮乎百世之上百世之下聞者莫不興起也夫孟子之於二子其論之詳矣雖或以爲聖之清或以爲聖之和然又嘗病其隘與不恭且以爲其道不同於孔子而不願學也及其一旦慨然發爲此言乃以百世之師歸之而孔子反不與焉何哉孔子道大德中而無迹故學之者沒身鑽仰而不足二子志潔行高而迹著故

東谿先生集

祠記

四

慕之者一日感慨而有餘也然則二子之功誠不爲小而孟子之意其亦可知也已臨漳有東谿先生高公者名登字彥先靖康閒游太學與陳公少陽伏闕拜疏以誅六賊畱种李爲請用事者欲兵之不爲動也紹興初召至政事堂又與宰相秦檜論不合去爲靜江府古縣令有異政帥守希檜意摺其過以屬吏會帥亦有讒歿獄中乃得釋被檄試進士潮州使諸生論直言不聞之可畏策聞浙水沚之所由而遂投檄以歸檜聞大怒奪官徙容州公學博行高議論慷慨口講指畫終日袞袞



無非忠臣孝子之言舍生取義之意聞者凜然魄動神  
竦其在古縣學者已爭歸之至是生徒又益甚屬疾自  
作埋銘召所與遊及諸生訣別正坐拱手奮髯張目而  
逝嗚呼是亦可謂一世之人豪矣雖其所學所行未盡  
合於孔子然其志行之卓然亦足以爲賢者之清而使  
百世之下聞其風者有廉頑立懦之操則其有功於世  
教豈可與夫隱忍回互以濟其私而自托孔子之中行  
者同日而語哉公歿之後三十餘年延平田君澹爲郡  
博士乃始求其遺文刻之方版又尙公像而奉祠之以  
風厲其學者閒因郡人王君遇來求文以爲記屬予病  
未及爲而田君去今太守元嘉林侯元仲至則又與王  
君夏以書來督趣不置予惟高公孤高之節旣如彼而  
諸賢崇立之意又如此則予文之陋誠不宜久以疾病  
爲辭彊起書之辭不逮意林侯試爲刻之陷置祠壁漳  
之學子與凡四方之士往來而有事於此者讀之果能  
有所感慨而興起乎哉淳熙丁未秋九月甲寅新安朱

熹記

東谿先生集

祠記

五

謁高東谿祠文

惟先生剛方之操鯁切之言一視險夷至死不變所謂  
一世之偉人非獨一鄉之善士也熹敬仰高風爲日旣  
久又忝嘗得執筆編列祠事而今日之來獲拜堂下則  
於隱忍回互之譏若有愧焉炷香酌酒斂衽陳祠伏惟  
先生之靈有以鑒之謹告

又謁高東谿祠文

謹以釋奠之明日致祭于東谿先生高公惟公志節堅  
高議論英發不容何病至死弗渝顧我顛蒙舊勞嚮往  
東谿先生集

祠文

五

肇茲明薦庶激懦貪謹告

跋高彥先家諸帖

熹猶及見紹興中年姦凶擅朝忠賢奔播時事而知漳浦高公之爲烈也老矣南來乃獲拜其祠象於學宮窺其逸藁於家集而識其嗣子之爲人又益得其本末之詳甚可歎也季士又以此軸見視如李曾二胡諸公皆先人所從游當日相隨去國者三復其言益以慨歎乃敬書其後而歸之紹熙辛亥四月二十七日新安朱熹書

東谿先生集

帖跋

再五

東谿高先生言行錄

高先生諱登字彥先漳浦人宣和閒爲太學生紹興元年正奏名初調賀州富川簿再調靜江府古縣令後奪官竄容州卒

公生十一歲而孤讀書日誦數十言及長究極理義持身勵行旣冠遊太學交遊皆一時之彥靖康虜犯京師大館之士皆遁去公曰君在可去乎與陳東等詣闕上書乞斬六賊時廷臣復建和議割三關奪李綱等兵權軍民不期而會者數萬王時雍縱兵欲讎之公等十一

東谿先生集

言行錄

六

人屹立不動時方擢吳敏張邦昌爲相敏又言相李邦彥無辜乞復用公于二月十六日登聞檢院上書不報二十二日又上書又不報紹興二年上駐蹕臨安公以十事投時相不行遂於廷對盡言之初考官林叔豹得之喜曰非巍科莫處之覆考官忌其直例作文理紕繆與陳之茂等一十九人授下州文學尋有旨埒弟五甲公任富川簿憲使聞其名檄讞昭賀廣藤潯梧獄尋攝賀州獄事有囚殺人甚明守欲奏裁曰陰德可爲公曰陰德豈可有心爲之殺人者死而可卒免則被殺之寃

何時而銷秩滿士民相率餽金五十兩太守勸其受公辭之不可遂請置書藏於學紹興八年赴都堂審察遂上皇帝書及時議六篇并序上覽之索六議送中書秦檜怒其議已不復以聞授靜江府古縣令

公至靜江府帥沈敏曰何以治古縣公條十餘事沈曰是古人之政今人詐恐不可對曰忠信可行蠻貊謂不能行是誠不至耳但某不差人下鄉亦願公不差人下邑沈曰謹奉教

公以廉勤公仁四字自誓寬期限以追呼新覺宮以勸

東谿先生集

言行錄

七

學吏無所容其欺風化盛行不嚴而治縣有豪民秦琥習惡怙財縣官悉爲所制一日琥乘閒言及公事公不從琥宣言縣令只有一年半汝不知古縣有秦大蟲甲會復有訟琥者公申郡及諸司以置于法琥不勝其忿以死行道之人莫不欣悅

時胡舜陟帥靜江謂公曰古縣秦太師之父舊治太師生焉宜立祠公曰檜爲相亾狀祠不可立胡拂然曰汝欲爲好人耶

公母病甚申乞尋醫不待報檜怒奏請旨諸路提刑捉

送靜江府勘舜陟徑遣健卒至漳浦捕公時太夫人已  
歿舟中公聞有捕命卽殯水次屬之家人航海詣闕上  
書求納官贖罪以終身上覽而憫之送中書施行公友  
人有爲右司者謂曰丞相云嘗識君子上庠倘一見之  
終身事無憂矣上書徒爾也公曰某知有君父而不知  
有權臣旣而中書奏無納官例送理寺下靜江府獄公  
號泣而歸檜密捕不獲萁母畢詣靜江府勘所舜陟先  
以事下獄歿矣事得白以聞赦還家

公至廣漕司辟攝歸善令其秋考試潮州公憤權臣專  
東谿先生集

言行錄

八

恣出題皆摘經史語以諷題目出直言不間淡可畏丞  
相趙鼎時在潮謂公曰天下主文者多矣未有如公忠  
誠愛君者畱話終日郡守卽馳以達檜檜令理寺坐以  
舜陟所奏具奏云雖屢經赦宥然情重法輕取特旨編  
管容州自是天下以言爲諱南省至揭公名以爲考官  
戒

初公出潮陽試院遂歸舊隱與學者講論忽州遣使臣  
謙大作持省符至公讀畢卽拜謙上馬謙曰少入告家  
人無害也公曰君命不敢稽遂著鞭而行謙愕然比夜

巡檢領百十人復至兵刃森列公曰朝廷若賜歿亦當拜敕而後就法謝感公忠義爲之泣下以歿捍之

公至容州種蔬植竹爲終焉之計四方士執經者數百人公講明中庸大學之道方教行窮微而公歿矣是歲紹興戊辰也先是三月朔公得寒熱疾吟詩曰瘴侵玉骨終難起魂斷巫山永不歸閏八月初三日公口誦埋銘與通守黃勳曰目瞶目昏顏凋髮禿有兒歸葬蟠山之麓藏焉息焉以坦吾腹公命其子扶執筆寫帖子牘廳事曰奉先人遺訓不受僧道紙薦又命斂以淡衣幅東谿先生集

言行錄

九

巾大帶語出處行藏及天下大計凡數百言不一及其私也

公又謂扶曰吾歿在明日申刻至期屏去妻子焚香端坐正巾整襟拱手瞪目髯鬚開張溘然而逝及申矣有星如火自寢堂飛出向西冲天而去鄰舍及左右皆見之驚呼聲震閭里學生林綽爲敍其出處楊汝南陳景肅皆師之澹庵胡銓爲作忠辨晦庵朱文公守漳日爲祠堂記紹熙辛亥文公復請於朝廷褒錄忠義

禾中伯平高子孝於親信於友矯然以氣節自勵而有古儒者風辱交予子甚敬憚之一日見示舊鈔東谿集屬爲之雋正將節束脩所入謀付梓以永其傳予始悉伯平乃東谿先生後人兩世宦游閩中已無家伯平奉母寓禾中因占籍焉是本明嘉靖時林希元所編刻本未之見 四庫亦以林本著錄止二卷是本分六卷與曝書亭書目卷同但原本久佚不可考矣宋史本傳靖康中凡五上書皆不報復爲書論敵未罷按復書中語前止三上書則非今本所佚五字爲三字之誤本傳又

東谿先生集

羅跋

一

書所著家論忠辨等篇按集中有窮論忠辨二篇則家字爲窮字之誤想當時秉筆者未見本集故語有舛譌謝山謂宋史不爲立傳夏不解全氏猶讀史鹵莽如此予凡校六十餘字疑者闕之他本字可通者兩存之其缺字他本皆同無可校補答洪文惠有言世無善本雌黃不可妄下蓋言慎也讀先生所上書直不避忌諱嗟乎僅一布衣之身尙冀挽一百七十年之氣運而對藝祖在天之靈眞可爲朝廷痛哭流涕者矣先生時議六篇惜不傳其序目具存任位者能深思其言而聽從之



欲爲恢復計不難矣觀先生之政治坐而言者起而行如先生者卒使之貶死是誰之過歟夫求忠臣者必出孝子之門且徵於先生而益信然令千載下讀先生集者作忠作孝感發而興起也抑可哀已先生與陳東同以太學生詣闕乞斬六賊讀少陽贈官詩云蘭死則畱芳豹死則畱皮先生之氣節唯其信於友可以信於君者也今伯平志先生之志學先生之學孝於親信於友求無愧於先生身際熙朝則視先生爲卒益當何如勉勵此日爲純儒異日爲純臣而遠紹舊德之名氏也道

東谿先生集

羅跋

二

允壬寅孟冬朔日錢唐羅以智謹跋

右東谿高先生集二卷增錄一卷予友高君伯平以明次崖林氏本重刊冠以

欽定四庫全書總目提要及宋史列傳而高安朱文端所編歷代名臣傳系於末林本門類先後紊亂復爲釐正其次弟而是書犁然可觀焉史謂先生卒後以梁克家何萬言追復迪功郎覈以朱子奏狀其云追復者誠誤至謂以朱子奏贈承務郎而朱子貼黃原有加贈官秩之請史言或不誣也晉朱子亟稱東漢名節蓋士君子能以名節自奮則生平志事不孜孜爲一身一家之

東谿先生集

顧跋

一

計而汲汲於憂民憂國之思及一旦進而立朝亦斷不可  
以曲學阿世而重爲天下病先生以太學生乞斬蔡  
京童貫等六賊又力阻吳敏張邦昌李邦彥之相迨秦  
檜柄國先生蔽秩微員耳與忤再四瀕九死而不移卒  
之事後論定京檜邦昌等徒供人唾罵萬世而先生忠  
義之概炳然與日月爭光惟持名節也文公矜慎許可  
獨於先生有乞褻錄狀又爲之撰州學祠記稱道讚歎  
之不置有以哉先生漳人伯平之籍禾郡秀水也實出  
自閩爲人敦尚名節以其王父遺墨有滌源於先生語

用是景仰不能忘嘗得斯集於友人處慮其久而蔽佚也遂以付諸梓羅君鏡泉以智項君几山傅霖旣爲雠校其譌脫而又以屬之廣譽詩曰無念爾祖聿修厥德伯平之不忘舊澤如此信乎其能修德也又曰孝子不置元錫爾類伯平所用心者遠蓋又將公之有志讀是書者相與砥礪以名節也咸豐元年九月朔日後學顧廣譽謹書

東谿先生集

顧跋



